

Nappaatit
atodatiigiinnikkut
tunillaattartut
suuppat?





Nappaatit atoqatigiinnikkut tunillaattartut suuppat?

©PAARISA, Atuakkiorfik, 2002

Nuummi venereaklinikkimi sulisut suleqatigalugit

Naqiterisitsiq: PAARISA

Ilusilersuisoq: Søren P. W. Olsen

Naqiterneqarfia: Nørhaven Book

Ilusaa siulleq, naqitat sisamaat

ISBN 87-558-1778-5

Tunillatsissimasoriguit

Arlaannik malugisaqaruit tamannalu kinguaassiuutitigut atoqatigiinnikkut nappaammik tunillatsissimanermit pisuuppat, pingaartuuvoq misissortinnissat.

Napparsimavimmut nakorsiartarfimmulluunniit saaffiginnittuaannarsinnaavutit.

Atoqatit tunillatsissimappat, illit nammineq misissortinnissat isumagisaqariaqarpat – aamma malugisaqanngikkaluaruilluunniit. Imaassinnaavoq malugisaqanngikkaluarlutilluunniit tunillatsissimasutit, aamma imaassinnaammat tunillatsinninniit kingusinnerujussuakkut aat-saat malugisaqartutit.

Napparsimavinni peqqinnissaqarfimmilu sulisut nipa-ngersimasussaataapput, imatut paasillugu; allanut oqaluttuarisussaannngilaat kina kimit sumilla nappaammik tunillatsissimansoq.

Allanut tunillaassuinissaq pinngitsoortinniarlugu kinguaassiuutitigut nappaammik tunillatsissimasup atoqatigisimasai kikkuunersut paasiniarneqassapput.

Taamaattumik pingaartuuvoq kina/kikkut atoqatigisimanerlugit nalunaarutigissallugu

Kinguaassiuutitigut nappaatit pillugit inatsisimmi peqqussutaavoq kinaluunniit kinguaassiuutitigut tunillatsissimasorisooq/simasooq nakorsamut misissortissasoq.

Inatsimmi pineqarput nappaatit atoqatigiinnikkut tuniluunnerusartut, soorlu syfilis, gonoreé, klamydia, HIV allallu.

PAARISA

Imai:

Klamydia	5
Gonoré	6
Syfilis	7
Herpes	8
HIV/AIDS	9-10
Unnguusat	11
Angutip arnallu kinguaassiuutaat . . .	12-14
Kinguaassiuutitigut nappaatit	15
Nappaatit ersiutaat	16
Tunillatsittarfiit	17
Arnep angutillu kinguaassiuutaat . . .	18-19
Napparsimaviit adressii tfl. normuilu . . .	17
(qallunaatuuani)	

Klamydia

Malunniutai

Tunillatsinnermiit ullut 7-20-t qaangiunneranni ippigisat malunniuttarput.

Angutini arnanilu klamydiamik aseruuttoorneq aniasoqarnermik quinermiluunniit qasilisoormik pilersitsisarpoq. Illissallu paavatigut aseruuttoortoqarnera pissutaalluni arnaq atoqatigiinnermi aanaalaarsinnaalluni.

Tunillatsissimasulli ilarpassuisa maluginngitsoortarpaat, taamaattorli tunillaasinnaalutik.

Tunillaattarnera

Klamydia ullumikkut nappaatini atoqatigiinnikkut tunillaattartuni nalinginnaanerpaanut ilaavoq.

Atoqatigiinnermi tunillaasuutaasartuq tassaavoq bakteria, Chlamydia trachomatis.

Misissortinneq

Misissugassaq quup aqqutaanniit, arnanilu aamma illissap paavaniit tiguneqartarpoq.

Katsorsarneqarnera

Klamydia katsorsarniarlugu

ataasiaannarluni ataatsikkut iisassat iisartakkat akiuussutissat marluk tunniunneqartarput. Iisartagartornermiit sivikinnerpaamik ullut 7-8 qaangiunneranni klamydia aaqqittarpoq.

Katsorsartinnikkaanni

Klamydiamik aseruuttoorneq nakorsarneqanngippat kingunerluutaasinnaasut nalinginnaanerpaat makkuupput: Angummi issutsigut aseruuttoorneq anniarnermik, pullattoormik kisserneqarnermillu malitsilik.

Arnami aseruuttoorneq illissap iluanut siaruarnera ilululersitsisoq. Mannissat aqquataatigut aseruuttoornermi anniarneq malunniuttarpoq, ilaatigut annikitsumik.

Mannissat aqqutaat ajoquserneqarsinnaapput taamalu illissap avataatigut naartulersoornissaq meerartaarsinnaajunnaarnerluunniit qaninerulersarluni. Klamydia katsorsarneqanngitsoq kingusinnerusukku meerrartaarniarnermi akornusiisinaavoq.

Gonoré

Malunniutai

Gonorernerup ilisarnaatai tunillatsinnermiit ullut marlussuit qaangiunneranni malunniussinnaapput. Tassaagajupput quinermi qasilisitsineq, arnani nalinginnaasumit aniasoqarnerulerneq angutinilu quup aqqutaatigut aniasoqalerneq. Amerlanertigut gonoré malunnarpiarneq ajorpoq malunnangivissinnaasarluniluunniit, taamaattoq tunillaassinnaalluni.

Tunillaattarnera

Gonoré atoqatigiinnikkut tunillaattarpoq. Bakteriamit Neisseria gonorrhoeae-mit pisuuvoq.

Misissortinneq

Quup aqqutaanit illissallu

paavanit tigusat gonorép bakteriarqarnersut misissor-neqartarput. Taamaappallu gonorertoq ingerlaannaq katsorsarneqassaaq.

Katsorsarneqarnera

Iisartakkamik/nik oqi-maassuseq apeqqutaatillugu ataasiaannarluni iisartakkanik iisisitsinikkut katsorsarneqartarpoq.

Katsorsartinnigikkaanni

Gonoré katsorsarneqanngitsoq siaruaassinnaavoq. Arnami iluklut aseruuttoorneq gonorémik peq-quteqarsinnaavoq. Angutit issuit kangianni qinersimikkut aseruuttoorsinnaapput. Gonoré katsorsarneqanngitsoq kingusinnerusuklut meerartaarni- arnermi akornusiisinnavoq.

Syfilis

Ilisarnaatai

Tunillatsinnermiit sapaatit akunneri 2-4 qaangiukkaangata iki ammartertooq saqqummertarpoq. Taanna amerlanerni kinguaassiuutiniittarpoq. Aammali siggunniissinnaavoq itilluunniit killingani. Qinersit ikip naaffiata eqqaaniittut aamma suanngarsinnaapput. Iki annernartuunngilaq, sapaatillu akunneri arlalialuit qaangiukkaangata peeruttarluni. Nappaalli katsorsarneqanngikkuni inummiiginassaaq. Tunillatsinnermiit qaamatit marlussuit qaangiukkaangata timimi, tallini nissuniluunniit aappilasunik toorneeqqatut ittunik anillattoortoqarsinnaavoq.

Tunillaattarnera

Bakteriamit *Treponema pallidum*imit pisuuvoq, syfilisip pilersitaani ikimiittarluni. Taamaattumik ikeqarnerup nalaani tunillaakkajuttarpoq. Aak aqqutigalugu aamma tunillaasinnaavoq, soorlu naartusup naartuni tunil-

lassinnaagaa. Naartusulli tamarmik syfilisimut misissortittarmata inunguuseralugu syfiliserneq nungutitaa jusavissimasutut oqaatigineqarsinnaavoq.

Misissortinneq

Syfilisip bakteriai mikroskopimi allisillugit takuneqarsinnaapput. Syfilisimik nappaateqarneq aap misissorneratigut erseqqissumik uppernarsineqartarpoq.

Katsorsartinneq

Penicillinamik kapitinnikut syfilis katsorsarneqartarpoq. Katsorsartinnerup kingorna ajorunnaarsimannersoq paasiniallugu aava arlaleriarlugu misissoqqinneqartarpoq.

Katsorsartinngikkaanni

Syfilik katsorsarneqanngitsaq ukiut arlallit qaangiunneranni imaannaanngitsunik ajoqusiinermigut saqqummertarpoq, amermi, saanerni, qaratsami taqqanilu.

Herpes

Malunniutai

Tunillatsinnermiit sapaatip akunnerata ataatsip qaangiunnerani malunniuttarpoq kinguaassiuutit aappillernerisigut, ungilallutik, annernarlutik qasilillutillu.

Kingusinnerusukkut tinupasuaqqat qaamasumik imallit saqqummertarput immaqalu nuallummut assingusumik kissarneqartoqarsinnaalluni. Tinupasut qaarlutik ikinngortarput kingornalu parngullutik. Sapaatit akunnerisa 2-3 qaangiunneranni malunnartueruttarpoq. Herpes virus timimi sianiutit aqgutaanni toqqoqqalersarpoq. Ataasiaannarluni arlaleriarluniluunniit herpesertoqarsinnaavoq. Herpesseqqinnermi malunniutit siullermernit annikinnerusarput qaangiutiaartarlutillu. Amerlaqaat tunillatsissimasut, ikittuinnaalli anillatsitsisarput.

Tunillaattarnera

Herpes Simplex Virus nappaammut pissutaasarpoq, atoqatigiinnikkullu tunillaakkajulluni. Virusi tinupasuniittarpoq. Nuannermut

atatillugu sigguit killinganni herpeseraanni kinguaassiuutinillu aluttuilluni, herpes siggunniittoq kinguaassiuutinut tunillaassinnaavoq. Herpesviruseqaraanni anillanneqanngikkaluarluni tunillaasoqarsinnaavoq.

Misissortinneq

Tinupasut imertaannik peersinikkut virusi paasineqarsinnaavoq. Herpesili ilisarnartaqimmat misissuinsaq ilaannikkut pisariaqarnerluunniit ajorpoq.

Katsorsarneqarnera

Nakorsaq oqaloqatigiuk Herpes qanoq katsorsartariaqarnersoq. Amerlanertigulli annikitsuinnarmik atugaasarmat katsorsarnissaa pisariaqarneq ajorpoq.

Katsorsartinnikkaanni

Naartullutit herpeseqaruit, tamanna pillugu nakorsaq oqaloqatigissavat. Erninnermi virusi meeqqamut tunillaassinnaavoq. Taamaattumik naartusut herpesertut ilaat pilatsillutik erninissaannik innaneqartarput.

HIV aamma AIDS

Malunniutai

AIDS virusimit HIV-mit pisuuvoq. Virusip taassuma timitta nappaatinut akiuussinnaassusia ajoquser tarpaa. Taamaattumik AIDS-imut ilisarnaatit siullit tassaagajupput timip bakterissanut, virusinut, svampinut tappioranartunullu allanut akiuussinnaajunnaarneranut pisutaasut. HIV-mik tunillatsinnermiit ukiut arlalisuit ingerlasinnaapput AIDS-imik nappaateqalersimanermut malunnaatit saqqummernissaannut. HIV-virus timimiileraangat tunillatsissimasut ilaatualluttutut misigisimalersarput allanillu malunniutaasinnaasunik makkuningga: anillattoorneq, sivisumik qasoqqasarneq napparsimasutullu misigisimaneq, nassuiarneqarsinnaanngitsumik sanigorneq, ikiitigtigut annernartumik aseruuttoorneq, svampeqalerneq, qinersitigtigut tinusoorneq amermilu tinunerit kiisalu unnuami kiagutarneq.

Malunniutaasinnaasunik allanik peqarpoq, aamma qulaani taaneqartut atugarigaanni tamanna isumaqartariaqanngilaq HIV-rluni.

Tunillaattarnera

HIV atoqatigiinnikkut tunillaattarpoq. HIV aammi, anisuumi arnallu seerineraniittarpoq. Atoqatiginnerup saniatigtut tunillatsissimasup aavata allamut aalersuutigineqarneratigtut virusi tunillaassinnaavoq.

Misissortinneq

Aassiortinnikkut HIV-qarneq takuneqarsinnaavoq. Tunillatsinnermiit qaamatit marlussuit qaangiunneranni HIV aassiortinnikkut takuneqarsinnaalersarpoq.

Katsorsarneqarnera

HIV-mut akiuussutissamik peqanngilaq, taamattutaaq HIV-qarnerup kingunerisaanut toqussutaasartumut AIDS-imut akiuussutissaqarani. Iisartakkalli

assigiinnigitsut atornerisigut HIV-mik nappaateqartumi "uumasuaqqat" ikilisarneqarsinnaapput, taamaalilluni AIDS pinngitsoortissinnaallugu unitsilluguluunniit.

Nakorsaatornerulli qanoq sivistiginissaa qanorlu sivistigisumik iluaqutaasinnaanera erseqqissumik oqaatigineqarsinnaanngilaq. Nakorsaatorneq arlallinnik kingunerluuteqartarpoq, tamakkuli amerlanertigut qaangiuttarput. Nappaatit allat HIV-p aamma AIDS-ip ilaqtarisinnaasai amerlanertigut katsorsarneqarsinnaapput. Iisartakkat HIV/AIDS ajo-

runnaartissinnaanngilaat.

Katsorsarneqannginneq

HIV-mik tunillatsissimasut naartunaveersaarnissaannik innaneqartarput. Naartusup HIV-mik nappaateqartup naartunermi nalaani erninerminilu meeraq tunillassinnaavaa. HIV-virus katsorsarneqanngippat (takuuk mallunnaatit) AIDS-innguulluni toqussutaasarpoq, timip imminut illersorsinnaanera ajorsisarmat nappaatinillu allanik, soorlu kræftimik allanillu inuunermik ulorianartorsortitsisunik nappaateqalerneq toqussutaasarlutik.

Unnguusat

Malunniutai

Unnguusat (kondylomer) ataasiakkaarlutik eqimattaalutilluunniit naasarput.

Tunillatsinnermiit sapaatit akunneri arlalissuit qaamattilluunniimmi arlallit qaangiunneranni aatsaat saqqumersinnaapput. Unnguusat arnat utsuini killinganniluunniit ersittumi amerlanertigut naasarput, qaqutigootumik utsuit iluanni illissap paavani lu naasarlutik. Angutini usummiikkajupput, nuuata ameraasaaniillutik qulluunniit aqgutaani. Aammattaaq itip killingani iluatungaani luunniit arnani angutinilu naasinnaapput. Amerlanertigut unnguusat atugaasarput malunnangitsumik.

Tunillaattarneri

Unnguusat inuusuttuni takussaanerupput, virusimit Humant Papillomimit pisuulutik. Unnguusat virusiat atogatigiinnikkut tunillaattarpoq. Taamatut tunillatsittartut amerliartorput.

Misissortinneq

Unnguusat takujuminaassinnaapput, nakorsamilli venere-

amilu sulisunit sungiussilluarimasunit misissortinnikkut paasineqarsinnaapput.

Katsorsarneqarnerat

Sapaatip akunneranut ataasarluni tarngummik Podofyllinimik taninneqartarput, taamatullu katsorsarneqarneq sapaatit akunnerini arlalinni ingerlanneqartarluni, katsorsarniarnerallu sivisusinnaasarluni. Naartusut taninneqarneq ajorput. Tarngut taanna seerititsisinnaammat tanitse-reernerup kingorna nal. akunneri arlalialunnguit qaangiunneranni tanitat imermik asaneqassapput. Unnguusat aamma qeritillugit, qiortarlugit kiliorlugilluunniit piiarneqarsinnaapput.

Katsorsartinngikkaanni

Kondylomip virusia illissap paavatigut kræfteqalersinnaanermut piseeqataasinnaasorineqarpoq. Taamaattumik arnaq unnguusaqaruni aappaqaruniluunniit unnguusaqartumik, illissami paavaniit kræftimut misissugassamik tiguisiffigineqarnissaanik innersuunneqartarpoq.

Atoqatigiinnikkut tunillaattartut allat

Trichomonas

Trichomonas arnat utsummikkut aseruuttoorutigajuttarpaat, taannalu atoqatigiinnikkut tunillaakkajuppoq. Arnani tunillatsinnermiit sapaatit akunneri marlussuit qaangiukkaangata sungaarujuttumik qorsorpaluttumilluunniit tipittumik aniatitsinikkut malugineqarsinnaavoq. Arnalli aamma ilaasa maluginngitsuuvissinnaavaat. Angutit qaqutigunnaq malussartarput. Trichomonas ajornaatumik iisartakkanik katsorsarneqarsinnaavoq, aapparisartaq katsorsarneqartariaqarpoq.

Svamp (Candida)

Taannattaq aseruuttoortisisarpoq. Candida, gærsvampimik qallunaatut taagorneqartoq, arnarpassuaranit atugaasarpoq.

Amerlanertigut atoqatigiinnikkut tunillaanneq ajorpoq malunniuteqarpiassananilu.

Malunniutaasinnaasulli tasagajupput utsuit iluanni ungilatsitsineq, aappiller-

toorneq qasilititsinerlu.

Aammattaq qaqorujuttumik aniasoqarneq annertunerulersarpoq. Angutini Candida amerlanertigut atoqatigiinnikkut tunillaattarpoq.

Malunniutigisarpai ungilatsitsineq usummikkullu anillattoorneq. Candida arnat iluinit manguttakkamik, tarngummik iisartakkanilluunniit katsorsarneqartarpoq.

Kilaat

Kilaat - fnat – „kumaarakasimmit” – mide-mit – mm-isut angitigisumit pisuuvoq. Arnavissat ammip qalliup ikiani maniliortarput.

Attuanninnikkut fnat tunillaattarpoq, taamaattaq aamma atoqatigiinnikkut. Tunillatsinnermiit sapaatit akunnerisa 2-3 qaangiunneranni ungilatsitsinikkut malunniuttarpoq. Ungilatsitsineq inussani assannilu ingasannerpaajusarpoq, pingaartumik unnukkut oqorutit kissanneranni. Tarngummik kat-

sorsarneqarsinnaavoq. Inuit qanitarisatit, angajoqqaatit qatanngutitillu aamma kat-sorsarneqartariaqarput.

Tingit kumaat

Tingit kumaat assigiinngit-suusarput. Taakkua tingini nipinngasarput, taamalu

atoqatigiinnikkut tunillaas-sinnaallutik. Tinginik ungi-latsitsineq kumannik pissu-teqarsinnaavoq. Qaqorsaalli aalajangersimasoq atorlugu nungutipallanneqarsin-naapput. Qaqorsaak nakor-samit pissarsiarineqarsin-naavoq.

Atoqatigiinnikkut tunillaattartut allat

Angutini immikkoortinneq ajornartumik aseruuttoorneq.
Arnani immikkoortinneq ajornartumik illissap paavatigut aseruuttoorneq.

Quup aqquaatigut imaluunniit illissap paavatigut immikkoortinneq ajornartumik aseruuttoorneq; Ilaanneeriarluni quup aqquaatigut imaluunniit ut-suit iluanni aseruuttoorneq bakterianik sorlernik peqquteqarnersoq erseqqivissumik paasineq ajornakusoortarpoq. Taamatut ippigusunneq immikkoortinneq ajornartumik taaneqartarpoq. Tamanna atoqatigiinnikkut tunillaassinnaasarpoq imaluunniit bakterianit attata-

rierikkanit amerlivallaarnermikkut aseruutsitsisutut pissuseqalersimasunit peqquteqarsinnaasarluni.

Siaruaattarnera

Angutini quumik aqquaatigut aseruuttoorlutik saaffiginnittut affaasa missaanni bakteriat peqqutaanersut paasineqarsinnaasanningilaq; affaasa missaanni klamydia imaluunniit gonore peqqutaasarluni. Arnanissaaq immikkoortinneq ajornartumik aseruuttoorneq nalinginnaavoq.



Malunniutai

Quup aqquataatigut utsunnilluunniit aniasoqarneq, quilluni qasilisitsineq. Amerlasuut immannguaannaq malugisaqartarput.

Katsorsartinngikkaanni

Klamydiap sunniuttarneratulli mannisat aqquataani, anisuup aqquataa qinersiani qinerseeqqanilu issuup tunulianiittuni aseruuttoortisisinnaavoq.

Misissuinerit

Aseruuttoorneq angutini paasilertornarnerusarpoq. Misissugassaq quup aqquataanit tigusat allisitsiummik atortoqarluni misissorneqartarput taamalu klamydiamik tunillatsissimanertulli sananeqaateeqqat aseruussimasut amerleriarsimanagerat takuneqarsinnaasarluni. Arnani aamma sananeqaateeqqat aseruussimasut misissukkami quup aqquataanit, utsunnit aammalu illissap paavanit tiguneqartunit pisut amerleriarsimasarput.

Illissap paava aappalulluni suangasarpoq aammalu illissap paavanit aseruuttumik aniasoqartarluni. Misissukkat klamydiap gonorelluunniit bakteriaanik takuffissaaneq ajorput, ilaanneeriarlunilu ilagisimasami klamydiap gonorelluunniit bakteriaanik nassaartoqartarluni.

Katsorsartinneq

Klamydiamik aseruuttoornertulli iisartakkat atorlugit katsorsaasoqartarpoq.

Atoqatigisimasamik misissuineq

Immikkoortinneq ajornartumik aseruuttoorneq tamatigut atoqatigiinnikut tunillaanneq ajorpoq. Taamaattorli aalajangersimasumik aapparisaq tamatigut misissorneqarlunilu katsorsarneqartariaqarpoq. - imaluunniit nappaatit atoqatigiinnikkut tunillaattartut tassaapput nappaatit suulluunniit kujanninneq allatulluunniit atoqatigiinneq aqquutigalugu tunillaattartut.

Kinguaassiuutitigut nappaatit

Qanoq saqqummertarpat?

Taakku malunniutaat asigiinngitsuusarput. Ilaat quup aqqutaaniit utsunniiluunniit aniasoqarnikkut malunniuttarput. Allat quinermi qasilitsinikkut. Aammali ikeqalerneq, ungilatsitsineq tinupusunillu naasoqarneq tunillatsissimanermut ersiutaasinnaapput. Taamattaq nappaatit taakku ilaat qinersinik suanngartitsisarput amermiluunniit anillattoornertigut malunniusinnaallutik.

Misissortinneq

Utsunnit, illissap paavanit imaluunniit quup aqqutaaniit peersilluni misissuisoqartarpoq. Aammali aassiuineq atorneqarajuttarpoq. Malunniutaasut qanoq ittuunerat apeqqutaatillugu qasseriarluni qanorlu aassiertitoqassanersoq aalajangiunneqartarpoq.

Atoqatigisimasat

Pingaartuuvoq atoqatigisimasavit attaveqarfiginissaa arlaannik tunillatsissimasori-

guit. Taannami aamma misissortittariaqarpoq pisariaqarpallu katsorsarneqarluni.

Naartuguit

Naartusut kinguaassiuutitigut nappaateqalersimasorisut misissortinnissaat pingaartorujussuuvoq. Nappaatimmi taakku ilaat naartumut tuniluussinnaapput, naartunerup nalaani pinngikkuni erninermi. Soorlu syfilis aamma HIV/AIDS taamaassinnaapput. Klamydia, gonoré, herpes unnguusallu erninermi meeqqamut tunillaassinnaapput.

Atoqateqarnaveersarit

Tunillatsissimasoriguit atoqateqarnaveersarit. Misissortereeruit akissutisinnissat utaqqiuk. Tunillatsissimaguillu katsorsartillutit aaqqereernissat utaqqiuk.

Usuup puua atortaruk

Nikerartunik atoqateqartaruit usuup puua atortaruk. Usuup puua kinguaassiuutitigut nappaatinut amerlanernut illersuutaavoq.




Nappaatit ersiutaat


	KLAMYDIA	GONORÉ	SYFILIS	HERPES	HIV/AIDS	UNNGUUSAT	TRICHOMONAS	SVAMP (Candida)	KILAAT (fnat)	TINGIT KUMAAT
Aniasoqarneq	✗	✗					✗	✗		
Quinermi qasilititsineq	✗	✗		✗				✗		
Ammarterneq			✗	✗						
Ungilatsitsineq				✗			✗		✗	✗
Tinupasut			✗	✗		✗			✗	
Qinersit suanngarnerat			✗	✗	✗					
Anillattoorneq			✗		✗			✗	✗	

imminut paarigit – allat paarikkit – usuup puulertarit!


Tunillatsittarfiit




Syfilisip
tuniluuttarfii
Herpesilu



Gonorémik
aseruuttoorfiit




Gardnerella,
Trichomonas,
Svamp



Chlamydiamik
aseruuttoorneq




Arnap angutillu



Kvindelige og man

kinguaassiuutaat



dlige kønsorganer

Napparsimaviit adressii tlf. normuili: Adresser og tlf. numre for sygehuse:

Aasiaat Sygehus Box 212 3950 Aasiaat Tlf.nr. 89 2211	DIH Box 1001 3900 Nuuk 34 4000	Sisimiut Sygehus Box 1013 3911 Sisimiut Tlf.nr. 86 4211
Ammassalik Sygehus Box 116 3913 Tasiilaq Tlf.nr. 98 1211	Lægeklinikken Box 1001 3900 Nuuk 34 4400	Upernavik Sygehus Box 64 3962 Upernavik Tlf.nr. 96 1211
Ilulissat Sygehus Box 514 3952 Ilulissat Tlf.nr. 94 3211	Paamiut Sygehus Box 98 3940 Paamiut Tlf.nr. 68 1211	Uummannaq Sygehus Box 191 3961 Uummannaq Tlf.nr. 95 1211
Ittoqqortoormiit Sygehus Box 10 3980	Qaanaaq Sygehus Box 94 3971 Qaanaaq Tlf.nr. 97 1011	Sygeplejestationen Box 548 3955 Kangaatsiaq 87 1011
Ittoqqortoormiit Tlf.nr. 99 1011	Qaqortoq Sygehus Box 512 3920 Qaqortoq Tlf.nr. 64 2211	Sygeplejestationen 3921 Narsarsuaq Tlf.nr. 66 5211
Maniitsoq Sygehus Box 103 3912 Maniitsoq Tlf.nr. 81 3211	Qasigiannguit Sygehus Box 114 3951 Qasigianngui Tlf.nr. 91 1211	Sygeplejestationen 3910 Kangerlussuaq Tlf.nr. 84 1211
Nanortalik Sygehus Box 169 3922 Nanortalik Tlf.nr. 61 3211	Qeqertarsuaq Sygehus Box 66 3953 Qeqertarsuaq Tlf.nr. 92 1211	
Narsaq Sygehus Box 32 3921 Narsaq Tlf.nr. 66 1211		